



UNIVERSITÄTS-
BIBLIOTHEK
PADERBORN

Enchiridivm Chronologicvm Sacrae Et Prophanæ Historiæ

Salian, Jacques

Coloniæ Agrippinæ, 1638

Capvt V. Epochæ defectionum Solis & Lunæ.

[urn:nbn:de:hbz:466:1-64957](https://nbn-resolving.org/urn:nbn:de:hbz:466:1-64957)

ad Chronologiam.

ætatem, spatio quod intra Zorobabe-
lis gubernationem, & Christi Domi-
ni natiuitatem intercurrit, circunscri-
psimus, quæ sexta est Mundi ætas.
Septima & postrema, quam sacri co-
dices vocant *novissima tempora*, hoc
toto tempore labitur, quo vitam du-
cimur, & cum Mundo finiente finie-
tur. Nam octauam æternam fore, in
cœlis, vel inferis, omnes norunt, qui
verum Deum norunt.

C A P V T V.

*Epochæ defectio-
num Solis &
Lunæ.*

IN Epochis etiam numerari possunt
Solis & Lunæ defectiones, quas ec-
lipfes, mutuato à Græcis nomine dici-
mus. Sunt enim temporum cœlestes
notæ eæque, si recte obseruentur, cer-
tissimæ, maximeque in sua mutatione
constantes: & ab ijs numerandi tem-
poris principia duci possunt. Nihil e-
nim vetat numerare annos ab ea defe-
ctione Solis, quæ Astyage Medo reg-
nante contigit, quam Thales philo-
sophus multo ante prædixisse dicitur:
aut ab ea eclipsi Lunæ, de qua immi-
nente, contra Perseum postremum
Macedoniæ regem, certamine, Sulpi-
tius

Introductio

tius Gallus præmonuit Romanum exercitum, & inutili metu liberavit. Aut ab eo Solis deliquio, quod sub Xerxis transitum in Europam, dicitur accidisse; atque ita de cæteris.

Verum huiusmodi Epocharum observatio, exacta notatio & usus, non est tyronum, quibus in primis instituendis operam damus hoc tempore, sed Astronomorum, qui Theoriæ planetarum incumbunt, quorum scientiæ perpauca est peruia. Non est, inquam, studiosorum Historiæ, cui omnes operam nauare possunt, qui politioem eruditionem adamarunt, & cui Chronologia famulatur: ne scientias confundere, & cœlum pelago terræque miscere velle videamur. Qua importunitate, haud scio an perniciēs vlla maior studijs adolescentum possit aliquando contingere. Et profecto mirari libet eorum prudentiam, qui huiusmodi defectio- num notas, totius Philosophiæ, ac Mathematicarum disciplinarum expertibus suadere, ac laudare non dubitant adolescentulis. Vtrosque meminisse oporteret illius adagij non inepti.

*Qui binos lepores vna sectabitur
hora,*

*Quandoque alterutro, quandoque
carebit utroque. Nec*

ad Chronologiam.

Nec dispari laborant imprudentia, si qui forte prima literaturæ rudimenta, syntaxim, poëticam, historiam in unum congesta fascem, puerilibus humeris imponunt: aut qui Grammaticam simul cum Philosophia, aut etiam Theologia sibi comparare festinant: quæ via est ad probrosam ignorantiam certissima, & compendiarium methodus ad errores, & temerariam propriæ doctrinæ opinionem. Quæ peste, nihil ut grauius dicam, nulla ingenijs capitalior esse possit; ut propterea prudentibus studiorum moderatoribus commendatissimum esse debeat, ne tantam in Rempub. literariam securim iniici atque infligantur ab ijs, qui suis potius, quam adolescentum studijs seruire videri possunt. Ipsique adolescentes sibi persuadeant satius esse firma nauis, peritæque nauclero, lentius maria securiusque sulcare, quam Dædaleo remigio temerè, ac præpropere occupato, vitreo, ut ait Poeta, dare nomina Ponto. Epochas ergo istas, cælestesque characteres aut relinquamus Astrologis, aut in illud certe otium, tempusque differamus, quo post decursa studia politiora, ius fasque fuerit Mathematicis vacare disciplinis.

Caput